

《佛說無壽經》 補充講表

◎附表七：○歎其二利（自利他利）功德

《大乘起信論》云：

清涼國師於《華嚴疏鈔》卷二指出：菩提心為始，體即三心：

一者、直心：正念真如法故。——即是大智，無所執著。

二者、深心：樂集一切諸善行故。——即是大願，謂四弘等。

三者、大悲心：欲拔一切眾生苦故。

*直心：正念真如法故。如《大乘起信論》云：「雖念諸法自性不生，而復即念因緣和合，善惡之

業，苦樂等報，不失不壞；雖念因緣善惡業報，而亦即念性不可得。」

○其所修行，清淨無穢。

《普賢菩薩行願品》云：「猶如蓮華不著水，亦如日月不住空。」

○本學明了

本學乃指依體起用（不變隨緣）與用還照體（隨緣不變）之意。

如《大乘起信論》云：

所言義者，則有三種：云何為三？

一者、體大，謂一切法真如平等不增減故；

二者、相大，謂如來藏具足無量性功德故；

三者、用大，能生一切世間出世間善因果故。

一切諸佛本所乘故，一切菩薩皆乘此法到如來地故。

即指依體起用（不變隨緣）與用還照體（隨緣不變）。

○善學無畏之網：一切無畏雖多如網孔，但四無畏乃一切無畏之總綱，而舉綱即收攝一切網。

【佛四無畏】：

一、一切智無所畏，二、漏盡無所畏，三、說障道無所畏，四、說盡苦道無所畏。

【菩薩四無畏】：

一、總持不忘，說法無畏。

二、盡知法樂，和知道眾生根性，說法無畏。

三、善能問答，說法無畏。

四、能斷物疑，說法無畏。

○曉了幻化之法

*經論常常引用空中華、水中月、鏡中像或夢幻泡影等比喻，不只是一要讓我們藉由空觀、假觀了知一切法雖是緣生無性，但卻如夢如幻的存在而已，然而其最重要的是要讓我們透過「依他如幻」之理，而體悟到依他起性即是圓成實性，如《楞嚴文句》第八卷云：「如幻人一喻，通於四教。若以正因緣生，無我我所，故名如幻，是藏教意。因緣即空，故名如幻，是通教意。幻法不實，隨心轉變，

假名無量，是別教意。幻即法界，一切法趣幻，幻即中道第一義諦，不可思議，是圓教意。」又

如《靈峰宗論》卷第四之一云：「《金剛經》如幻如夢者，為破凡外二乘，我法二執言之。夫夢境雖空，而夢心即是覺心；幻事雖虛，而幻本亦不全虛；泡雖無實，而非無水；影雖無實，而非無質。」

這說明金剛經所說的「夢幻泡影」，在使我們理解到依他起的一切法不僅是緣生無性，而且亦是無性緣生；當不住著相（即不住真諦之空相與俗諦之有相）時，從相就能證到性，即所謂全事即理，如《彌陀要解》五重玄義云：「深信西方依正主伴，皆吾現前一念心中所現影；全事即理，全妄即真，全修即性，全他即自。」

○空、無相、無願（無作）三昧

*三解脫門（亦名三三昧）：約大乘教義而言，有二種解釋：

第一種解釋：

《華嚴疏鈔》卷五十（十地品第二十六，六現前地）云：「三解脫門，亦名三三昧。此三能通涅槃解脫，故名為門。」

*《大智度論》卷二十六云：「是三解脫門，摩訶衍中是一法，以行因緣故，說有三種。觀諸法空，是名空；於空中不可取相，是時空轉名無相；無相中不應有所作為三界生，是時無相，轉名無作。譬如城有三門，一人身不得一時從三門入，若入則從一門。諸法實相是涅槃城，城有三門，空、無相、無作。若人入空門，不得是空，亦不取相，是人直入，事辦故，不須二門。若入是空門，取相得是空，於是人不得為門，通塗更塞。若除空相，是時從無相門入。若於無相相心著，生戲論，是時除取無相，入無作門。」

*空解脫門

○於十地品中的第六現前地，《華嚴經》云：「知無我、無人、無壽命，自性空，無作者，無受者，即得空解脫門現在前。」

《華嚴疏鈔》卷五十云：「初三句，明眾生空；自性空，明法空。：現前者，智與境冥故。」

*無相解脫門

○《華嚴經》云：「觀諸有支，皆自性滅，畢竟解脫，無有少法相生，即時得無相解脫門現在前。」

《大智度論》卷二十云：「若取是諸法空相，生憍慢言，我能知諸法實相，是時應學無相門，以滅取空相故。」

《中論觀行品》第十三云：「大聖說空法，為離諸見故，若復見有空，諸佛所不化。」

*無願解脫門

○《華嚴經》云：「如是入空、無相已，無有願求。唯除大悲為首，教化眾生，即時得無願解脫門現在前。」

《華嚴疏鈔》卷五十（十地品第二十六，六現前地）云：「三、無願門，亦有三種相：一、依止：空無相，方得無願故。二、體：即無有願求，不求三界等故。三、勝：即大悲化生，勝二乘故。」

《大智度論》卷二十云：「若於無相中，生戲論分別，有所作，應修無作門。今無戲論分別，即能修無願。故為依止。」

第二種解釋：

*依他起性，是指心性隨緣熏習所現之相，唯虛無實，如見分等四分或十法界依正二報等；而依乃隨順也，他乃染淨緣也。

徧計所執性，亦稱之為分別性，乃是由於無明不覺故，妄執依他之虛相為真實相，如我法二執等；而徧計執即是周徧計較，分別執著之意。

*《瑜伽師地論》卷第七十四云：「復次，三種解脫門，亦由三自性而得建立。謂由徧計所執自性故，立空解脫門；由依他起自性故，立無願解脫門；由圓成實自性故，立無相解脫門。」

《成唯識論觀心法要》卷八云：「空解脫門，知徧計空。無願解脫門，於他法無所願求。無相解脫門，證圓成實，離有無相也。」